



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

XXIX.

urn:nbn:de:hbz:466:1-11903

Supplicium incendiarii tis intercessionibus tradunt. Illud † igne cremandum esse, qui fortunas aliorum flamma subvertit, judicabat, sed non simplicem pœnam atrocissimo scelere sufficere. Igitur à lictoribus raptus, in foro majore infrà Basilicam palo alligatur, nudataque latera forcipibus candentibus lacerantur. Atrox spectaculum, sed quod apud neminem misericordiam invenit, nec penes reum pœnitentiam. Lictor miserè dilaceratum, & adustum, an non de ingenti facinore, de ruinis domorum &edarum præcipuè Collegiatarum Ecclesiarum doleret? interrogat, ille circumspiciens † Monasterium S. Petri nutu monstrat, integritatem ejus esse, quam doleat, cætera nihil; dummodo illud in cineribus videret, in suos se deinde libenter abiturum. Postquam vigesies & semel forcipibus laceratus, in carpento extra Urbem tractus, ac semianimis rogo injectus in pulverem ustus est. Sex Correi † & delicti complices igne cremati, duos fuga rogo subduxit. Passim rupturæ lapidum in ædificiis & muris istam ignis rabiem hodie post duo sæcula testantur. *

Desperatio Rei.

In Correo similiter animadvertitur.

* MCCCCLXXIII.

In Carolum XXIX.

Burgundum Erfordia Moguntinæ Sequitur.

Totum Imperium & ipse Cæsar ad commiserationem motus, privilegium nundinarum afflictæ Urbi concessit, ut facilius ex clade emergeret.

Nihil animi perdidit Erfordia. In Carolum Burgundum, † qui audaci pugnacitate Imperium terruerat, bellum decernitur.

nitur. Moguntinus (a) Urbi suæ arma indicit, aut si decem millibus aureorum redimere sequelam hac vice mallet, aliundè se copias integraturum. † Erfurtenſes non se peris, sed manibus pro securitate Imperii, pro Matris honore pugnatos respondēt. Absit majorum gloriam empto otio fœdarent. Missos sub Capitaneo trecentos quinquaginta selectissimos è Civibus multo apparatu, sed hoc uno mandato instruunt, ne quid fortitudini majorum indecens admitterent. Senatus domi de subministrandis sumptibus, ipsi foris de gloria Civitatis solliciti essent. Pergunt gravi pompâ Moguntiam, tamque liberaliter, ut regis proventibus crederes, vivunt. † Ventum in castra Novesium, ubi primò omnium tentoria vario comeatu replent, potus in omni genere vini, esculenta delicatiora erant, quam ut castris convenirent. Nunquam sine convivis cœna. Sed non minor fortitudo, quam luxus, illam Adolphi Electoris præsentia animante. Ubi laceffendus hostis, nulla pericula formidabant. Felices successus gloriam auxerunt. Reversis à strage hostium exercitus Cæsareus applausit: *Fidelis Moguntinæ Sedis Filia trophæum, & honorem denuò reportasti!* fama rerum egregiè gestarum Civitati gratissima accidit, laudibus obnoxia, focos oppignorasset, ne quid pro honore Urbis pignantibus deesset.

K 3

Quater

(a) MS. Chronicon Erfurt.

*Redimere
sequelam
remittens.*

*Liberalitas
& fortitudo
Erfurtenſium.*

* MCCCC
XXV.

*Ludi Cata-
pultarii.*

Quater centenis millibus florenorum expeditio constituisse dicitur, quæ decem millibus redimi potuisset. Contraxit morbum iisdem in castris Adolphus, (a) vetulusque Eltuillam extinctus est. * Ut redintegraretur Electoratus, Dietherus iterum eligitur. Necdum prodigæ dispensationis finis erat. Ludi † Catapultarii publicè indicuntur. (b) Dies S. Jacobi huic festivitati sacrat. Veniunt hospites Wilhelmus Saxoniae Dux Vinariensis, Henricus Comes de Schwarzenburg unà cum filiis, & Ernestus Comes de Gleichen. Civitates etiam variæ per legatos aderant. Non Catapultis solum, & telis de braviis, sed aliquot septimanis omni festivitatum generis lusum est. Præcipuè nova tunc, nec antea visa olla fortunæ à Senatu proposita varios affectus pro varietate fortis provocavit.

(a) Serarius in Adolpho II.

(b) MS. Chronicon Erfurtense.